

بالنسبه ل انت اتجاهك ايه : دي مهمه جدا جدا وح احكي لكم على حاله مرت بيا ، شاب ماشاء
الله زي الفل ما بيعرفش غير في البرمجه و بيحب ال Visual Basic جدا فوجئت بأن واحد صاحبه من
العباقره و رطه في كورس MCSE "العباقرة دول مالين المنتديات"

طبعا الولد كان تايه جدا تحس انه بياخد كورس لغة صينيه مش MCSE ، طبعا مافيش خلفية و ما فيش
معلومه واكيد طبعا عرفتوا انه مافيش اكمال للكورس وطبعا مافيش شهادة و عليه العوض في الكام الف
اللي دفعهم

طيب يابني حكم عقلك ما عندك شهادة MCAD او حتى العب في الداتا بيز MCDA

وبالمناسبه تحذير على الماشي للشباب : ما ينفعش ادخل كورس MCSE وانا ما اعرفش شبكات ، لازم
اكون مريت بحاجه من ثلاثه " مش شرط الثلاثه " :

- عندي خبرة في موضوع الشبكات و توصيلها
- درست دبلومة شبكات
- درست شهادة N+

نرجع لموضوعنا : لازم اكون صادق مع نفسي واحدد انا باميل لأيه ولو مش متأكد ممکن أأجل
الموضوع شهرين ابتي اقرأ فيهم في مختلف الأتجاهات واحدد المجال اللي ح امشي فيه وابتدي
أمهد نفسي واجهزها

واخيرا فلو سنا اخبارها ايه : الموضوع ده مهم لأننا لازم نعرف ح نصرف قد ايه وح نصرفه في ايه ؟

يعني هل عندي ميزانيه اقضيها كورسات ، ولا اخليها Self Study والحال يمشي ولو حاخذ كورسات
ح اخدها فين ، وطبعا كلنا عارفين كل مكان ولبه ميزته وعيبه

بخلاف ان تكلفة الامتحانات في حد ذاتها بتختلف فامتحان ميكروسوفت الواحد بحوالي 50 دولار "
مش متأكد الاسعار اتغيرت ولا لأ " بينما RHCT حاجه ماشاء الله عابره للقارات

يبقى انا لازم ابقى عارف ح اصرف قد ايه وح اعمل بيها ايه

طبعا في حاجات زي طابع البوسطه ، مادتها سهله و تتقضى Self Study زي شهادة A+ و N+